



Dana 19.11.2014.godine, na svečanoj ceremoniji održanoj u Muzeju prirodne historije u New Yorku, direktorica „Medice“ Zenica, mr.sci. Sabiha Husić, primila je nagradu „Žena svijeta“ za 2014.godinu.

Nagrada Žena svijeta odaje priznanje hrabrim ženama koje govore u ime najmarginaliziranih žena i djevojaka koje su socijalno, ekonomski i politički isključene, a dodjeljuje je međunarodna organizacija „Women for women International“.

Ova svjetska nagrada i priznanje Sabihi Husić dodijeljena je za njeno izuzetno vodstvo i nepokolebljivu posvećenost u pomaganju ženama i djeci žrtvama/preživjelima ratnog i post-ratnog nasilja u Bosni i Hercegovini, kao i za njen rad na promovisanju nasilja nad ženama kao krize sa kojom se svijet trenutno suočava.

Tokom svečanosti dodjele nagrade, o izuzetnom i posvećenom radu, te postignućima Sabihe Husić, govorili su Amjad Atallah, ko-osnivač Women for Women International, i Angelina Jolie, specijalna izaslanica UNHCR-a.

Ranije dobitnice nagrade su Hilary Clinton, Christiane Amanpour, pokojna Aloisea Inyumba, i Honorata Kizende.

